

# Sjierveneutrala gállasjuoda ja fiesstim

D I E D E D I M P Á H P E R

Justitiedepartementet

Ju 09.01Isa · Gålgådismánno 2010

**Moarmesmáno 1. biejve rájes 2009 li ádá njuolgadusá ma guoski gállasjuohtaj ja fiesstimij. Almatja sjierve ij dasti mierreda jus la máhttelis gállasjuohtaj aktánit. Gállasjuohtabálkka ja ietjja biejadusriektá ma gállasjuohtaj gulluji li sjierveneutralan dagádum ja láchka (1994:1117) registardum guojmmevuoda hárráj ij dasti gávnnu. Dánna ádá láchka oanegattjat tjielggiduvvá.**

## Rievddadime gállasjuohtabálkan

Guokta almatja avtat sjierves máhtteba gállasjuohtaj aktánit sámmiláhkáj gák guovtes guovtet sjierves. Gállasjuohtabálka márrádusá aneduvvi sámmiláhkáj juska gállasjuohtaj libá guovtelágásj jali avtat sjierves.

### Hárránisguoradibme

Gállasjuoda ávddála galggá guoradit jus mige gállasjuodav hieret. Várrofábmudahka dahká guoradimev. Gudi ájggoba gállasjuohtaj aktánit aktan galggaba Várrofábmudagás hárránisguoradimev ádnót.

Hárránisguoradibme guojmmevuohalága milta mij la moarmesmáno 1. biejve 2009 ávddála dagádum, doajmmá sámmi rájes gák hárránisguoradibme fiesstimij.

## Máhttelisvuohta registardit guojmmevuodav ij dasti maná valla báhkko ájn la ájmon

Guojmmevuohaláhka hiejteduváj vuoratjismáno 2009. Dat merkaj ij desti máhte registardit ádá guojmmevuodav. Juo registardum guojmmevuohta galla ájn la guojmmevuohta desik guojmmevuohta hiejteduvvá jali guojmmevuohtan dagáduvvá (gehtja vuollelin jus la máhttelis registardum guojmmevuohta doajmmá gállasjuoda láchkáj).

## Rievddadit registardum guojmmevuodav gállasjuohtan

Guojmmevuohta mij registarduvvá guojmmevuohalága milta doajmmá degu gállasjuohta jus goappátja aktan diededibá Várrofábmudahkaj sáj dav sihtaba. Guojmmevuohta doajmmá gállasjuoda láchkáj dat

biejve rájes gá dakkár diededibme Várrofábmudahkaj boahdá. Váldára máhtteba ienni válljit 4 kap. milta gállasjuohtabálkan fiesstidallat. Dán sierra árniga milta ij galga hieredisguoradimev fiesstima ávddála dahkat. Guojmmevuohta doajmmá gállasjuoda láchkáj fiesstimbiejve rájes.

Máhttelisvuohta rievddadit ij la vissa ájggáj gárttjodum.

## Fiesstim

Gállasjuohtaj aktánit máhtta juogu de boargák fiesstimijn jali de fiesstima baktu jáhkosebrudagán.

### Boargák fiesstim

Boargák fiesstim aneduvvá sujsta gut la lenastivras biejadum. Biejadus fiesstijiddjen vissa ájgev árrót ij la gárttjodum nammadum bájvváj. Lenastivra márrádusáv ij avtak fiesstijiddjev biejadit ij máhte gujddit.

Diggeriektá láchkatjehpes duobmárijn ij la dasti barggon fiesstimijt tjadadit.

Boargák fiesstidijn fiesstijiddje galggá oajvvenjuolgadussan hállat dájt bágojt váldárija: *Dáj lihppe tjielggim dáj sihtabihtte gállasjuohtaj aktánit. Sidá gus dán N.N. válldet N.N. ietjat áhkátjin/álmman?*

(Vásstádu: Sidáv.)

*Sidá gus N.N. válldet N.N. ietjat áhkátjin/álmman?*

(Vásstádu: Sidáv.)

*Tjielggiv dunnuv dal gállasjuohtajin.*

Jus sierraláhkáj ádnoba máhtta fiesstijiddje ienni dájt bágojt sunnuj hállat:

*Dáj sihtabihtte gállasjuohtaj aktánit. Gállasjuoda vuodo l gieresvuohta ja ássko. Gállasjuoda baktu jáhttebihtte goabbá guojmát guddnedit ja doarjot. Gállasjuohtajin lihppe guokta sierra almatja ja máhttebihtte fámov dunnu aktisasjuodas viedtjat. Dajna gá lihppe tjielggim sihtabihtte gállasjuohtaj aktánit, gatjádav: Sidá gus dán N.N. válldet N.N. ietjat áhkátjin/álmman ja iehttset suv niedan ja ávon?*

(Vásstádu: Sidáv.)

*Sidá gus dán N.N. válldet N.N. ietjat áhkátjin/álmman ja iehttset suv niedan ja ávon?*

(Vásstádu: Sidáv.)

*(Sáj máhtteba suormmasijt málsudit.)  
Tjieggiv dal dunnuv gállasjuojmitjin. Gå dal iellemij  
mannabihte ja ruoptus árggaj de mujtte dav sidodav  
aktisasjuohtaj, dav gieresvuodav ja dav gudnev  
goabbák guojmmásihte mav dán bättá dábddábihte  
ja la dunnuv diehki doalvvum. (Táksta l Per Anders  
Fogelströmas tjáledum.)  
Sávav dunnuj vuorbev ja buorev dunnu gállasjuoadan.*

### **Fiesstim jáhkkosebrudagán**

Fiesstim aneduvvá val jáhkkosiebren manna l  
fiesstimloahpe ja dakkár hárrás jali ietjá viddnoaddnes  
jáhkkosiebren mij la Kammarkollegias flesstijiddjen  
biejadum. Moarmesmano 1. bieje rájes  
fiesstimloahperávkalis guosská aj Svieriga girkkuj. Náv  
gák ietjá jáhkkosiebrijn galggá aj juohkka flesstijiddje  
Svieriga girkkon sierraláhkáj Kammarkollegias  
biejaduvvat. Hárrá Svieriga girkkon gut lij dáhkkidum  
fiesstit lága milta vuoratjismános 2009 bisot dav  
dáhkkimav vuoratjismáno 2010 mañnegáhtjáj. Aj almatja  
gudi hárrán sjaddi jage sinna fábmuj biejaduvvama  
mañnela li dáhkkidahte flesstit vuoratjismáno 2010  
mañnegáhtjáj sierra biejadime dagi.

Fiesstim la flesstimárniga milta mij doajmmá  
jáhkkosiebren.

Jáhkkosiebrre jali sunji dáhkkidum flesstijiddjen  
jáhkkosiebren ij la válggogisvuohhta flesstit. Dat merkaj  
máhtta sjaddat flesstim mav válldára sihtaba sierra  
jáhkkosiebren adnet ij máhte danna aneduvvat, vájku  
gállasjbálka rávkalisájt dievddeba. Máhtti buojkulvissan  
vidjura gánná jáhko jáhkkosiebren jali flesstijiddje  
fiesstimav hieret dajna gá sunnun ij la sámmi jáhkkko jali  
nubbe l sirram.

### **lenep diedo**

Lágá ienebuv ádá njuolgasdusáj vuodo birra ráddidusá  
proposisjávnan. Gállasjuohtagatjálvisá 2008/09:80  
ráddidusá webbasajen: [www.regeringen.se](http://www.regeringen.se)  
ja Civiluskotteta árvvádallam 2008/09:CU19  
rikkabiejve webbasajen: [www.riksdagen.se](http://www.riksdagen.se).

Lágá ienebuv gállasjuoda ja flesstima birra ráddidusá  
webbasajen [www.regeringen.se/aktenskap](http://www.regeringen.se/aktenskap).

Lágá ienebuv boargák flesstijiddje birra lenastivra  
webbasajen: [www.lansstyrelsen.se](http://www.lansstyrelsen.se).

Lágá ienebuv hárránisguoradime, guojmmevuoda  
rievddama diededime birra ja flesstima birra álggorijkajn  
Várfábmuogá webbasajen: [www.skatteverket.se](http://www.skatteverket.se).

Diededime máhttelisvuoda birra válldut jáhkkosiebre  
sinna, gehtja buojkulvissan [www.svenskakyrkan.se](http://www.svenskakyrkan.se).



REGERINGSKANSLIET

### **Justitiedepartementet**

10333 Stockholm • tñn växel 08-405 10 00

lenep diededimpáhpárijt máhtta rávvit Justitiedepartementas,  
tñn 08-405 10 00 jali e-pávsvstá: [info.order@justice.ministry.se](mailto:info.order@justice.ministry.se)  
Ráddidusá webbasadje: [www.regeringen.se](http://www.regeringen.se)  
Justitiedepartementa e-pávsvstáadrássa: [registrator@justice.ministry.se](mailto:registrator@justice.ministry.se)

Priენტim: Grafisk Service, gálgádismáno 2010.

Diededimpáhpere la dagádum Justitiedepartementas. Artihkkaln. Ju 09.01